


Pak Kitab fuain d'olla  
Házir óiye



Bíyosto,  
Allah  
Cúndoijsa  
Ghór



Lekóya: Edward Hughes

Nokcá tulóiya: Lazarus  
Alastair Paterson

Borabor goróya: Sarah S.

Torjoma goróya: John Anwar


Neelaiye de óilde: Bible for Children  
[www.M1914.org](http://www.M1914.org)

©2020 Bible for Children, Inc.


Laisen: Tuáñttú e kaháni yían neelai bólla yáto kopí goribólla hók  
asé, zedún fóijjonto tuñí yían oré nóo beso.




Isá duniyait táite Íbar sáafi ókkol oré bíyostor  
baabute hoóil. Íba ye yían oré "Añár Bafor Ghór"  
bóli hoóil. Héçe becí zaga asé ziín  
becí cúndor. Bíyosto hoóde  
yían becí dhoóñr edde  
e duniyair ghórottú  
aró becí cúndor.



Isá ye hoódde, "Aññí tuáñrálá zaga toiyar goittó zair. Aññí zai tuáñrálá zaga toiyar gorí abár aiccúm, edde tuáñráre Añár hañsé loizaiyúm." Isá morattú uçı baade Bíyostot giyé. Íbar saáfi ókkole saái accíl de ottót, ekkán miyúla aáiyóre Isá re tarár muúntu loi giyói.




Yíanólla, Isáyi ókkol óttu Isár waáda re yad asé  
ziyán Íba ye aái taráre loi zaiboi hoói goijjé. Isáye  
Hoódde, Íba manúic ókkole notháre de  
ottót atíkka aibó. Montor tóoile Isáyi  
ókkol zará moiijjé tarár hálot ki  
óibo? Pak Kitabe hoódde,  
tará uzu Isár héçe zaiboi.  
Meçir haiya ttú alók ói  
Málik or fúañti tákibo.



Allahr Fúañti  
házir óiye



Zahéri Kalam, zibá Pak Kitabor akéri síyarah, híba  
ye Bíyosto hondila cúndor de yían zanái de. Haás  
gorí, becí cúndor ki hoile, Bíyosto óilde Allahr ghór.  
Allah hár zagat házir asé, montor Íbar tottó óilde  
Bíyostot.




Fírista edde oinno bíyostot asé de híine Allahr  
ebaadot goré. Héndila Allahr imandár ókkol zará mori  
giyói, tará yó goré. Tará seér gái  
Allahr taárif goré. Tará endilla  
seér gaáde: Tuñí laayék kiyólla-  
hóile Tuñí añáráre Tuáñr lou loi  
basai Allahr hañsé ainnó, fottí  
haándan edde  
fottí zatíttu  
añáráre añní,  
baakcá edde  
imam banáiyó.  
(Zaheri Kalam  
5:9)




Pak Kitabe Akérit Bíyosto re "Noiya Jeruzalem" boli hoiyé. Yían becí hoilé becí dhoóñr, yían baáttu usol gíra diyá. Gíra yían hírar, beci cúndor edde usol. Juhár edde dami fattór loi gírar gura gúijja, ar cúndoijja cúndoijja rong ciñitthá.

Córoror  
fottí  
doroza  
ekgúilla  
dhoóñr  
mukti loi  
banaiya.







Hé dhoóñr muktir doroza honódin bon noó. Bútore zaiyóre yían hondilla saái góide...ohh! Bíyosto bútore aró becí cúndor. Cóor ókkol háthi cúnar banaiya, ainar dhóilla zolzola. Manúic ókkol añçé de foñt úddua cúna loi banaiya.




Ekkán sáf hálor zindigir faní Allahr tottó ttú  
foribóu. Hé hálor honó ek dhák ottú zindigir fanír  
gas asé, zibá age Eden baganot accíl. Íba eggúa becí  
haás gas. Hé gas Íbat mace-mace ek dhóila ek dhóila  
gorí baró macót baró dhóila gula dóre. Ar hé gasór  
fata híin zati ókkol oré gom gorí bólla.




Bíyostot foór ólla honó beíl yáto san nolagé.  
Allahr kudurutor foór loi yían bóri zagoi. Héçe  
honó rait náí.



Bíyostor januwar ókkol úddua duniyair januwar  
ókkol loi forók. Bíyostot tará ekdoilla edde dusto  
doil gorí táke. Rañgkuñir edde Béra fúañti kër há.  
Héndila dhoóñr-dhoóñr cíngo ókkole úddua goorú  
dhóila sore. Allah Malike hoódde, "Añár pak murát  
tará honódin zohom yáto dónco no goríbou."



Becí sis ókkol duniyait  
asé de híin bíyostot  
náí. Héçe honó  
guccár hotá  
fúna no zaibo.  
Héçe honó  
mará mari,  
citinái  
gorá náí.  
Héçe  
wanyain  
tela marí  
era noforé,  
kiyólla-hoilé  
héçe honó sur náí.



Héçe honó  
misá, kún goróya,  
jadugor, yá oinno  
honó hóraf manúic  
ókkol nai.  
Bíyostot  
honó dhóila  
guná nai.






Bíyostot Allah fúañti  
honó hañdani náí.  
Kessú thaimot, Allahr  
manúic ókkol e zindigit  
becí ferecane hañde.  
Bíyostot Allah ye  
tarár fottí sukor faní  
re fuñsí dibó.



Bíyostot made honó moot ó náí. Allahr manúic ókkol zindigibór Allahr fúañti tákibo. Héçe honó duk, honó biaram, honó alok úa náí. Héçe zonoda forá yá muruda gañra náí.

Fottí ekzon  
Allah fúañti  
bíyostot kúci  
gorí táke.



Bíyosto óilde maiya, morót zará Isá re nizer basailoiya hoói edde Íba re nizer Málik hoi mañne, tará beggún ólla. Bíyostot eggúa boói asé, zibá re Bérar Kitab boli hoó. Hé Kitab híba manúic ókkol or nam loi furaiya. Tuñí zanó ne héçe harár nam leikká asé? Héçe asé de, zará Isár uore iman ainné tarár nam.

Héçe tuáñr  
nam asé ne?





Bíyostor baabute Pak Kitab or ahéri hota becí taajuppa dawot. "Ar Ruú edde dulá ye hoódde, 'Aiyó!' Ze fúne te yó hoiyó de 'Aiyó' Zattú tirác laiggé te aiyó. Ar zattú moné hoó, te aáiyóre zindigir faní maana fiyogái."



Bíyosto, Allah Cúndoijsa Ghór

Allahr Kalam ottú ekkán kaháni, Pak Kitab,

loót fade

Yuhúna 14; 2 Kórintiyól 5;  
Zahéri Kalam 4, 21, 22

"Tuáñr Kalam gólaye foór diyat táke."  
Zobur 119:130



Fúraiye



E Pak Kitab or kaháni ye añárár taijjuppa Allahr baabute cíkaibo, zibá ye añáráre banaiyé edde zibá ye saádde tuñí Íba re sinó.

Allah ye zané añára hóraf ham goijjí, ziín oré Íba ye guná hoó. Gunár cánza óilde moron, kintuk Allah ye tuañre becí muhábbot goré de hétolla, Íba ye Íbar ek siríf Fuá Isá re defeçáiyé, zeéne kúrucot foran de, edde tuáñr zoriya cánza fa. Baade Isá zinda óiyore Íbar ghór ziyán bíyosto híyanot giyói. Zodi tuñí Isá uore iman añní, tuañr gunár maf maiggo de óile, tóoile Íba ye tuañre maf gorí dibó. Íba éhon tuañr héçe aibó edde fúañti tákibo, ar tuñí Íbar fúañti zindigibór tákiba.

Zodi tuñí yían sóiyi de biccác goró, tóoile Allah re yían hoó: O adoijjá Isá, añní biccác gorí de, Tuñí Allah, ar insán boni duniyait aái añár gunálla foran diyó, edde Tuñí abár zinda óiyo. Meérbanigorí añár zindigit aiyó edde añár gunáre maf goró, zeéne ehón añní noiya zindigi fai, ar ek din bíyostot zai Tuáñr fúañti hámica tákifari. Añáre modot goró, zeéne añní tuañre mani edde Tuáñr fua boni tákifari. Amin

Fottí din Pak Kitab foró edde Allahr loi hotá hoó. Yuhúna 3:16

